

Karo - Keselamatan Pustaka Si Badia - Salvation Scriptures

Epesus 2:2 Paksa si e nai iikutkenndu kebiasan doni si jahat. Iikutkenndu peminpin penguasa-penguasa si lit i bas awang-awang, e me kesah si genduari erdahin i bas kalak si la nggit erkemalangen man Dibata.

Matius 6:10 reh min KinirajanNdu; sehlah min peratenNdu, i bas doni enda bagi ni Surga.

Lukas 22:42 nina, "O Bapa, adi banci pedauh min calung kiniseran enda i bas Aku nari. Tapi labo peratenKu, peratenNdulah jadi."

Johanes 16:7-9 Tapi Kukataken man bandu: Si tuhuna man bandu ulin kap Aku lawes. Sabap adi la Aku lawes, labo reh Penampat e. Tapi adi lawes Aku, Kusuruh me la ndahi kam. 8 Kenca pagi reh Penampat e ipetangkasNa me man bangsa doni enda maka pengertin bangsa doni enda salah kerna dosa, kerna ise si benar bage pe kerna ukumen si reh i bas Dibata nari. 9 IpetangkasNa maka bangsa doni enda salah pengertinna kerna dosa perbahan la ia tek man bangKu.

2 Timotius 2:10 e maka megenggeng aku i bas kai pe guna kiniulin anak-anak Dibata si terpilih, gelah ia pe banci ngaloken keselamaten si reh arah Kristus Jesus, ras kemulian si rasa lalap.

Roma 15:20,21 Sura-surangku si mbelinna e me meritaken Berita Si Meriah ku ingan i ja langa pernah ibegi kalak kerna gelar Kristus, gelah ola aku tempa-tempa majekken rumah i babo palas si enggo ipajekken kalak si deban. 21 Bagi lit tersurat i bas Pustaka Si Badia, "Kalak si man bana langa iberitaken kerna la, idahna me pagi, janah kalak si langa pernah megi, iangkana me pagi."

Perbahanen Rasul-Rasul 2:36,37 Dage, kerina min kalak Israel metehsa maka Jesus si ipakuken ku kayu persilang e, la itetapken Dibata jadi Tuhan dingen Raja si engkelini bangsaNa. 37 Kenca ibegi kalak si nterem kai si ikataken Petrus, ceda atena. E maka isungkunna Petrus ras rasul-rasul si deban nina, "O senina-senina kai dage si arus ibahan kami?"

Heber 4:2 Sabap enggo sibegi Berita Si Meriah e, bali ras kalak ndai. Ibegina berita e tapi la erguna man bana sabap la ialokenna e alu kiniteken.

Jeremia 24:7 Kupeturah i bas pusuhna maka merincuh ia nandai Aku, maka Aku kap TUHAN. E maka ia kap jadi bangsangKu dingen Aku jadi Dibatana, sabap mulihken ia man bangKu alu bulat ukurna.

Perbahanen Rasul-Rasul 16:14 Sekalak i bas diberu e gelarna Lidia. Ia i

Tiatira nari janah dahinna erbinaga uis si meherga, ungu rupana. Ia kalak Junani si ersembah man Dibata. Italangi Tuhan ukurna, e maka tutus kal atena megiken kai si ikataken Paulus.

Matius 13:14,15 Alu bage enggo seh Kata Dibata si isuratken Nabi Jesaya, nina: 'Idengkehkenndu tapi la iangkandu; ipernehenndu tapi la idahndu. 15 Sabap enggo batu-batun ukur kalak enda; enggo pasek cupingna, ipit-pitkenna matana. Sabap adi la bage tentu erpengidah nge mata ras erpemegi nge cuping kalak enda, janah ukur kalak enda tentu erpengangka, e maka reh kalak enda ndahi Aku, nina Dibata, janah Kupepalem me kalak enda.'

Jesaya 6:9,10 E maka isuruhNa aku lawes nehken berita enda man bangsa e nina, "Rusur gia ibegindu, tapi labo ietehndu. Rusur gia idahndu, tapi labo ietehndu kai si jadi." 10 Jenari ikatakenNa man bangku nina, "Bahan maka batu-batun ukur kalak enda, pepasek pinggelna, pepentang matana, sabap adi erpengidah ia, tah erpemegi janah erpengangka, tentu reh ia ndahi Aku, jenari malem ia."

Markus 4:11,12 Erjabap Jesus nina, "Man bandu enggo ibereken rahasia Kinirajan Dibata. Tapi kalak si deban si i darat, ibegikenna kerina alu perumpaman saja, 12 e maka, 'Aminna gia ipernehenna, tapi labo idahna, aminna gia ibeginna, tapi labo iangkana. Sabap adi idahna janah iangkana tentu jera ia janah Dibata ngalemi ia.'

Johanes 12:39,40 Kalak ndai la ngasup tek sabap enggo pe ikataken Nabi Jesaya, 40 "Enggo pentang ibahan Dibata matana, bage pe enggo ipemersik Dibata ukurna; gelah matana la erpengidah, janah ukurna la erpengangka. Gelah ola ia mulihken man bangKu janah gelah ola Kualemi dosa-dosana nina Dibata."

Roma 11:7,8 Kuga dage? Kai si idarami Israel la idatna. Tapi piga-piga kalak si enggo ipilih Dibata e ngenca si ndatsa. Si debanna e kerina ipemersik ukurna. 8 Bagi lit tersurat i bas Pustaka Si Badia, "Ibahan Dibata maka bene kal ukurna, janah seh paksa enda matana lanai erpengidah janah cupingna lanai erpemegi."

2 Tesalonika 2:10,11 Itipuna pagi alu pertipun si Jahat kalak si nandangi bene. Kalak e bene erkiteken la ia nggit ngaloken dingen ngkelengi pengajaren si tuhu-tuhu, e me pengajaren si arah e ia maka selamat. 11 Erkiteken persuruhen Dibata erdahin i bas ia kuasa si erbahanca papak, gelah tek ia kai si la tuhu.

Matius 13:18-23 "Begikenlah dage, kai ertina perumpaman enda. 19 Kalak si megi Berita kerna Kinirajan e, tapi la iangkana bali kap ia ras benih si ndabuh ku tepi dalan. Si jahat reh nangko berita si enggo iamburken ku bas pusuhna e. 20 Benih si ndabuh ku taneh si erbatu-batu bali ras kalak

si minter ngaloken Berita e alu meriah ukur asum ibegin. 21 Tapi la mbages janah kentisik ngenca i bas ia. Adi ia ngenanami kesusahan ras iayak-ayak erkiteken Berita e, minter tondel ukurna. 22 Benih si ndabuh ku tengah-tengah peren duri bali ras kalak si ngaloken Berita e; tapi aru atena kerna geluhna ras merincuh kal ia bayak e maka kicat Berita e, janah e me erbahanca la erbuah. 23 Tapi benih si ndabuh ku taneh si mehumur bali ras kalak si megi Berita dingen iangkana, jenari erbuah pe; lit si erbuah seratus, lit si enem puluh, lit si telu puluh."

2 Korinti 3:15,16 Seh wari enda pe adi iogeken kitap-kitap Musa, penutup si ndai tetap nutupi ukurna. 16 Tapi adi sekalak "erkusur kempak Tuhan", bali ras si ilakoken Musa, e maka penutup e nangtang.

Jesaya 30:28 IsuruhNa angin rembus arah lebeNa desken lau banjir mbelin si ngombakken si nasa lit. IsasapNa bangsa-bangsa seh kernev, janah ipengadiNa sura-surana si jahat.

Hosea 11:3-7 Situhuna si ngajari Israel erdalan, e me Aku, dingen Aku ka nge si ngangkip-ngangkip bangsangKu. Tapi la kepeken iakuina maka Aku nge si ngarak-ngarak ia. 4 Salu lias ate dingen kekelengen ia Kutegu-tegu, Kuangkip, jenari Kupedeher ia ku pipingKu Tungkuk Aku, jenari Kusulangi ia. 5 La ia nggit mulih ku Aku, e maka la banci lang mulih me ia ku Mesir, dingen Assur ngkuasai ia. 6 Perang pecah i bas kerina kuta-kutana, ngerontasken pintu-pintu gerbang kuta. Perang e engkeriken bangsangKu, perban ilakokenna kai akapna si mehuli. 7 Megekgek kal ia nilah i bas Aku nari. E maka nderkuh me ia erkiteken pasangen si man babanna, tapi la lit ise pe si ngangkatca i bas ia nari.

Perbahean Rasul-Rasul 26:18 Pemedakken matana gelah itadingkenna si gelap guna bengket ku bas si terang. Bage pe gelah itadingkenna kuasa Iblis jenari reh ku Dibata. Gelah erkiteken tek ia man bangKu, Kualemi dosa-dosana. Bage pe gelah ialokenna ingan, e me ingan si patut ialoken kalak si ipilih Dibata.

2 Timotius 2:24-26 Suruh-suruh Tuhan la banci rubat. Arus ia mehuli man ise pe, sekalak guru si mehuli dingen saber, 25 janah alu lemah-lembut ngajarken kalak si erlawanen ras kam. Banci jadi ibereken Dibata man kalak enda kesempaten jera i bas dosa-dosana nari dingen meteh si tuhu-tujuh ngena ate Dibata. 26 Alu bage jore ukurna mulihken janah pulah ia i bas siding Iblis nari, si enggo nabon dingen maksa ia ngikutken sura-surana.

Ketangkasen 3:17-19 Ikatakenndu, 'Bayak aku janah terus tambah kebayakenku, e maka labo aku kurang kai pe.' Tapi si tuhuna la ietehndu maka musil nge kam janah ceda kal ate kalak ngidah percibalndu. Kam musil, pentang dingen manjang-anjang. 18 E maka Kukataken man

**bandu, tukurlah emas i bas aku nari, emas tulen, gelah kam bayak.
Tukur pe uis si mbentar man pakenndu, guna nutupi kulandu si manjang-anjang, si man kemelanken e. Bage pe tukurlah salap mata guna tambar matandu gelah kam erpengidah. 19 Kalak si Kukelengi Kuligas ras Kuajarken. E maka tutus janah jeralah.**

2 Korinti 7:10 Menek ate si sue ras peraten Dibata erbahan kalak jera kap, gelah ia selamat; janah kerna si e la perlu kalak erkadiola. Tapi menek ate si pelin-pelin erkiteken soal doni enda mabai ku kematen kap.

1 Raja-Raja 18:37 Aloi aku, TUHAN, aloilah, gelah ieteh bangsa enda maka Kam TUHAN Dibata kap, maka Kam nge si mabai bangsa enda mulihken man baNdu.

2 Korinti 4:4 Kalak e kalak si la tek, si ukurna enggo ipepentang dibata palsu jaman enda. La ipelepasna kalak e ngidah terang sinalsal erpagi-pagi si sangana mbincar man bana. Terang e, e me Berita Si Meriah si encidahken kemulian Kristus si segambar ras Dibata.

Lukas 8:11-15 "Bagenda me antusenna perumpaman ndai. Benih ndai e me kata Dibata. 12 Benih si ndabuh ku dalan iandingken man kalak si megiken berita e, ibegikenna, tapi reh Iblis muat kata e i bas ukurna nari gelah ola ia tek dingen terkelin. 13 Benih si ndabuh ku taneh si erbatubatu iandingken man kalak si megiken berita e, ibegikenna dingen ialokenna alu meriah ukur. Tapi la mbages uratna, kentisik ngenca ia tek. Reh kenca percuban minter ia murtad. 14 Benih si ndabuh ku perenduri, iandingken man kalak si megiken berita e, tapi aru atena janah jadi kalak bayak atena. Ersenang-senang atena i bas doni enda. Kerina si e nindih ia seh maka buahna la sempat metua. 15 Benih si ndabuh ku taneh si mehumur iandingken man kalak si megiken berita e, ibegikenna, ibunikenna i bas ukurna si mehuli dingen tetap, janah megenggeng ia seh erbuah."

Perbahanen Rasul-Rasul 15:11 Tapi sebalikna, tek kita, maka erkiteken lias ate Tuhan Jesus kita terkelin bali ras si labo kalak Jahudi.

Roma 8:13 Sabap adi nggeluh kam rikutken sura-sura ukur manusia, kempak kematen kap perlawesndu. Tapi adi ibunuhndu perbahanen-perbahanen biak kulandu alu Kesah Dibata, maka nggeluh me kam.